



ORDENANZA NÚM: 12

ORDENANZA FISCAL REGULADORA DA TAXA POLA RECOLLIDA DO LIXO

Artigo 1.- FUNDAMENTO E NATUREZA.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de Abril, reguladora das Bases de Réxime Local, e de conformidade có disposto nos artigos 15 a 19 da Lei 39/1988, de 28 de Decembro, reguladora das Facendas Locais, este concello establece a **Taxa pola recollida do lixo**, que se rexerá pola presente Ordenanza fiscal, cuxas normas atenden ao previsto no artigo 58 da citada Lei 39/1988.

Artigo 2º.-FEITO IMPOÑIBLE.

1. Constitúe o feito impoñible desta taxa a prestación do servizo, de recepción obrigatoria, de recollida domiciliaria do lixo e residuos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas e de servizos.

2. A tal efecto, consideraranrase *lixos domiciliarios* e *residuos sólidos urbanos* os restos e desperdicios de alimentación detrito procedentes da limpeza normal de locais ou vivendas e exclúense de tal concepto os residuos de tipo industrial, entullos de obras, detritos humanos, materias e materiais contaminados, corrosivos, perigosos ou cuxa recollida ou vertedura esixa a adopción de especiais medidas hixiénicas, profilácticas ou de seguridade.

Artigo 3º.-SUXETO PASIVO.

1. Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que ocupen ou utilicen as vivendas e locais ubicados nos lugares, prazas, rúas ou vías públicas, nas que se preste o servizo, xa sexa a título de propietario ou de usufructuario, habitacionista, arrendatario ou incluso precario.

2.-Terá a consideración de suxeito pasivo substituto do contribuínte o propietario das vivendas ou locais, que poderá repercutir, no seu caso, as cotas sobre os usuarios daquelas, beneficiario do servizo.

Artigo 4º.-RESPONSABLES.

-Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

-Serán responsables subsidiarios os administradores das sociedades e os síndicos interventores ou liquidadores de quebras, concursos, sociedades e entidades en xeral, nos supostos e có alcance que sinala o artigo 40 da Lei Xeral Tributaria.

Artigo 5º.-BENEFICIOS FISCAIS.

Soamente se admitirán nesta taxa as exencións e bonificacións que veñan establecidas en tratados ou Acordos Internacionais ou en normas con rango de lei, e as seguintes exencións:

- Os xubilados, pensionistas e demais persoas que non convivan a expensas doutro, gozarán desta exención da taxa cando os ingresos da unidade familiar por todos os conceptos, sexan inferiores ao salario mínimo interprofesional.

Esta exención concederáse polo Concello á petición do interesado, acompañado dos seguintes documentos:

-D.N.I.

-Certificado de ingresos de todos os membros da unidade familiar (fotocopia compulsada da Declaración da Renda, nómina, certificado de pensións, etc...)



-Ademais de documentación que sexa requerida para o informe social.

Todos os expedientes de exencións serán tramitados polo Departamento de Servizos Sociais e resoltos pola Comisión de Goberno. No caso de que a resolución sexa favorable, o interesado queda excluído do pago da taxa da recollida do lixo durante o exercicio económico no que cursa a solicitude, podendo ser prorrogada dita exención en vindeiros anos, se a situación económica familiar non trocara, o que deberá acreditar o interesado documentalmente mediante declaración xurada.

Artigo 6º.-COTA TRIBUTARIA.

1. A cota desta Taxa será a que figura no anexo desta Ordenanza.
2. No caso de locais de uso distinto á vivenda que se atopen pechados e sen utilización, aplicaráselle a cota mínima de dispoñibilidade do servizo de importe igual á tarifa de vivenda.
3. No caso de que unha sociedade ou persoa física realice varias actividades nun mesmo local, aplicaráselle unha soa cota das sinaladas no Cadro de Tarifas. Procederá a aplicación daquela que resulta de maior importe entre as de aplicación ás actividades desenvolvidas.

Artigo 7º.- DEVENGO.

1. Devengarase a taxa e nace a obriga de contribuír dende o momento en que se inicie a prestación do servizo, entendéndose iniciada, dada a natureza de recepción obrigatoria do mesmo, cando estea establecido e en funcionamento o servizo municipal de recollida do lixo domiciliario nas rúas ou lugares onde figuren vivendas ou locais empregados polos contribuíntes suxeitos á taxa
2. Establecido e en funcionamento o referido servizo, as cotas devengarase o primeiro día do período que sinala a tarifa da taxa, ou no seu caso, na data en que se realice o feito imponible.

Artigo 8º.-DECLARACIÓN E LIQUIDACIÓN.

1. A taxa liquidarase cando se presente a solicitude de alta no padrón correspondente.
2. Se se utiliza o servizo sen mediar solicitude, darase de alta de oficio no padrón, liquidarase e notificarase a mesma aos interesados sen prexuízo da apertura do correspondente expediente sancionador por infracción tributaria.
3. Unha vez producida a alta no correspondente padrón, a liquidación da taxa acomodarse ao procedemento previsto para os valores recibo (padrón, censo, matrícula, ect...)

Artigo 9º.-INGRESO.

1. As cotas desta taxa liquidarase e esixirase no momento de presentar a correspondente solicitude nos períodos non declarados, producíndose a alta no correspondente padrón.
2. Unha vez producida a alta, a taxa exaccionarase por padrón esixíndolle o importe da mesma no prazo que sinale a tarifa da taxa, ou ben no que determine o Alcalde-Presidente ou a Comisión de Goberno, nos prazos previstos no artigo 20 do R.X. de Recadación ou no que sinale a Alcaldía-Presidentencia.
3. O ingreso efectuarase na Tesourería Municipal ou no lugar que determine o Alcalde-Presidente ou a Comisión de Goberno.

Artigo 10.-INFRACCIÓN E SANCIÓN.

En todo o relativo á calificación de infraccións tributarias, así como das sancións que ás mesmas correspondan en cada caso, estarase ó disposto nos artigos 77 e seguintes da Lei Xeral Tributaria.

DISPOSICIÓN ADICIONAL.

PRIMEIRA.-DECLARACIÓN DE ALTA



**Concello de
SOUTOMAIOR
PONTEVEDRA**

Os suxeitos pasivos substitutos do contribuínte formularán as declaracións de alta nos censos ou padróns da taxa e surtirán efectos tributarios no mesmo intre de presentarse a declaración, podendo prorratearse, no seu caso, por meses.

SEGUNDA.- DECLARACIÓN DE BAIXA

Os suxeitos pasivos substitutos do contribuínte formularán as declaracións de baixa no censo ou Padrón de taxa e surtirán efectos no período natural seguinte ao da presentación da mesma podendo, no seu caso, prorratearse por meses.

ANEXO

CADRO DE TARIFAS

a)	Vivendas de carácter familiar, con servizo de recollida diario	47,52 €
	Vivendas de carácter familiar, con servizo de recollida alterno	32,15 €
b)	Supermercados, con servizo de recollida diario (Ata 200 m ²)	250,23 €
	Supermercados, con servizo de recollida diaria (De máis de 200 m ²)	375,24 €
	Supermercados, con servizo de recollida alterno (Ata 200 m ²)	166,88 €
	Supermercados, con servizo de recollida alterno (De máis de 200 m ²)	250,23 €
c)	Restaurantes, con servizo de recollida diaria (Ata 100 m ²)	183,48 €
	Restaurantes, con servizo de recollida diaria (De 101 a 250 m ²)	250,23 €
	Restaurantes, con servizo de recollida diaria (De máis de 251 m ²)	375,20 €
	Restaurantes, con servizo de recollida alterno (Ata 100 m ²)	116,69 €
	Restaurantes, con servizo de recollida alterno (De 101 a 250 m ²)	175,04 €
	Restaurantes, con servizo de recollida alterno (De máis de 251 m ²)	262,66 €
d)	Naves e almacéns, con servizo de recollida diario	200,16 €
	Naves e almacéns, con servizo de recollida alterno	145,95 €
e)	Cafetarías, bares, farmacias, droguerías, ferraxerías, librarías, froitarías, tendas de venda de mobles, e establecementos de carácter familiar, con servizo de recollida diario	137,62 €
	Idem, con servizo de recollida alterno	100,08 €
f)	Pequenos comercios (Reloxarías, salóns de peiteado, carpintarías, despachos pro- fesionais, videoclubes e semellantes), con servizo de recollida diario	82,50 €
	Idem, con servizo de recollida alterno	58,41 €
g)	Entidades Bancarias	200,16 €
h)	Hoteis, hostais e similares. Por cada habitación	2,77 €
	Cota mínima	137,62 €
i)	Pensións, casas de turismo rural e similares ata 5 habitacións	70,00 €

DISPOSICION FINAL

A presente modificación do anexo foi aprobado polo Pleno do Concello, na súa sesión de data 07 de novembro de 2012 e entrará en vigor o día que se publique a modificación no Boletín Oficial da provincia e comezará a aplicarse a partir do día 1 de xaneiro de 2013 permanecendo en vigor ata a súa modificación ou derrogación expresa.

Aprobación definitiva: 29 de Setembro de 1989

PUBLICACIÓN NO B.O.P. NÚM.299 do 27 de Decembro de 1989

Modificacións:



Concello de
SOUTOMAIOR
PONTEVEDRA

- no B.O.P. núm. 45 do 6 de marzo de 1997, aprobada polo Pleno o 28 de novembro de 1996.
- no B.O.P. núm. 20, do 31 xaneiro de 2000. E aprobada o 25 de Novembro de 1999.
- no B.O.P. núm.11 do 16 de xaneiro de 2001, aprobada polo Pleno o 13 de Novembro de 2000.
- no B.O.P. núm.238 do 12 de decembro de 2001, aprobada polo Pleno o 27 de Setembro de 2001.
- no B.O.P. núm.244 do 20 de decembro de 2002, aprobada polo Pleno o 7 de Outubro de 2002.
- no B.O.P. núm. 247 do 23 de decembro de 2003, aprobada polo Pleno o 30 de Outubro de 2003.
- no B.O.P. núm. 245 do 22 de decembro de 2004, aprobada polo Pleno o 14 de Outubro de 2004.
- no B.O.P. núm. 235 do 9 de decembro de 2005, aprobada polo Pleno o 29 de Setembro de 2005.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 249 do 28 de decembro de 2007, aprobada polo Pleno o 9 de Novembro de 2007.
- no B.O.P. núm. 250 do 29 de decembro de 2008, aprobado polo Pleno o 7 de Novembro de 2008.
- no B.O.P. núm. 227 do 25 de novembro de 2011, aprobado polo Pleno de 29 de setembro de 2011.
- no B.O.P. núm. 248 do 28 de decembro de 2012, aprobado polo Pleno o 7 de novembro de 2012.